



Međunarodni rezidualni mehanizam  
za krivične sudove

Predmet br. MICT-13-56-ES

Datum: 27. avgust 2026.

Original: engleski

**PREDSJEDNICA MEHANIZMA**

**Rješava:** sudija Graciela Gatti Santana, predsjednica

**Sekretar:** g. Abubacarr M. Tambaou

**Nalog od:** 27. avgusta 2026.

**TUŽILAC**

**protiv**

**RATKA MLADIĆA**

***JAVNO***

---

**NALOG KOJIM SE IMENUJE SUDIJA  
ZA VOĐENJE ISTRAGE**

---

**JA, GRACIELA GATTI SANTANA**, predsjednica Međunarodnog rezidualnog mehanizma za krivične sudove (dalje u tekstu: predsjednica, odnosno Mehanizam);

**PODSJEĆAJUĆI** da je, dana 8. juna 2021., Žalbeno vijeće Mehanizma donijelo presudu kojom je potvrdilo: (i) osuđujuće presude donijete na suđenju g. Ratku Mladiću (dalje u tekstu: Mladić) za genocid, progon, istrebljivanje, ubistvo, deportaciju i nehumana djela (prisilno premještanje) kao zločine protiv čovječnosti, i za ubistvo, terorisanje, protivpravne napade na civile i uzimanje talaca kao kršenja zakona ili običaja ratovanja; i (ii) izrečenu kaznu doživotnog zatvora;<sup>1</sup>

**PODSJEĆAJUĆI** da je, nakon pravosnažne presude, Mladić ostao u Pritvorskoj jedinici Ujedinjenih nacija (dalje u tekstu: PJUN) u Haagu, u Kraljevini Nizozemskoj, čekajući određivanje države u koju će biti prebačen na izdržavanje ostatka kazne;

**IMAJUĆI U VIDU** da me je sekretar Mehanizma (dalje u tekstu: sekretar) danas obavijestio da je Mladić danas preminuo u pritvoru u PJUN-u;

**UZIMAJUĆI U OBZIR** da, na osnovu pravila 50(3) Pravilnika o pritvoru,<sup>2</sup> predsjednik može naložiti internu istragu o okolnostima smrti svakog pritvorenika;

**NA OSNOVU** pravila 50(3) Pravilnika o pritvoru;

**OVIM IMENUJEM** sudiju Iaina Bonomya da provede istragu o okolnostima Mladićeve smrti dok je bio u pritvoru PJUN-a i da me direktno izvijesti o nalazima istrage što je razumno prije moguće; i

**TRAŽIM** od sekretara da sudiji Bonomyu pruži svu pomoć, uključujući pristup povjerljivim dokumentima potrebnim za vođenje istrage.

Sastavljeno na engleskom i francuskom jeziku, pri čemu je mjerodavna verzija na engleskom.

Dana 27. avgusta 2026.,  
u Haagu,  
Nizozemska.

\_\_\_\_\_/potpis na originalu/  
sudija Graciela Gatti Santana  
predsjednica

---

<sup>1</sup> *Tužilac protiv Ratka Mladića*, predmet br. MICT-13-56-A, Presuda, 8. juni 2021. (javno redigovano), par. 592. V. *Tužilac protiv Ratka Mladića*, predmet br. IT-09-92-T, Presuda, 22. novembar 2017. (javno s povjerljivim dodatkom, par. 5214-5215).

<sup>2</sup> Pravilnik o pritvoru osoba koje čekaju suđenje ili žalbeni postupak pred Mehanizmom ili su iz drugog razloga pritvorene po ovlaštenju Mehanizma, 5. novembar 2018. (dalje u tekstu: Pravilnik o pritvoru).